

altera duarū summitatū d e. Ideo eidem tempori nulla cōpetit æquatio, & tota æquatio b q. subtrahēda erit motui medio, quia datorū interuallo temporū octaua sphæra retrocessit contra zodiaci successionē quantitate segmenti b q. quod, vt patuit, tota est æquatio posterioris temporis, manifesta igitur est pars secunda quinti documenti. Sextum documentū. Si posteriore datorū duorū temporū nulla contigerit æquatio, tunc æquatio prioris temporis tota deducat medio motui octauæ sphæræ si motus accessus & recessus pro eodem priore tēpore inferior extiterit gra. 180. aut addat, si superior. Huius sexti documenti veritas, vt euentia quinti documenti demonstratur. Nam super d e. summitatū altera constituto capite arietis pro tempore posteriore si idem caput pro priore tempore occupauerit semicirculum d c e. orientalem, velut in puncto l. octaua sphæra recessit contra signiferi seriem quantitate totius æquationis b k. eidem priori tempori competentis, ergo eadem æquatio k b. tota erit deducenda medio motui octauæ sphæræ vt verus eius motus emergat. Atq; econtra idem caput arietis pro dicto tempore priore si occidentalem occupauerit semicirculū d a e. velut super signo r. tota æquatio b q. addenda est medio motui octauæ sphæræ, quoniā ipsa intermedio spacio datorum temporū progressa fuit iuxta signiferi successionē quantitate eiusdē totius æquationis b q. priori tempori debite, vtracq; itaq; pars huius sexti documenti manifesta est. Liquet igitur q; præmissis documentis plenissimus vsus tabularū Alfonsi de motibus octauæ sphæræ fuerit explicatus atq; ipsi veritati omni ex parte consentiens.

¶ Corollarium primū.

Perspicuū itaq; fit ex iam demonstratis documentis æquationes non semper esse addendas medio motui octauæ sphæræ, etsi motus accessus & recessus minor extiterit gradibus, 180. Nec semper auferendas ipsas equationes ex eodē medio motu augium stellarumq; fixarū quāuis motus accessus & recessus vicerit eosdem gra. 180. Cuius contrariū enarrationes Ioannis de Saxonia suorumq; sectatorū, atq; Georgii Peurbachii theōrica sentiunt.